

影印
文淵閣

四庫全書

影印

文淵閣四庫全書

第一一八五冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

本堂集

宋陳著撰……………一

端平詩雋

宋周弼撰……………五二五
李龔編……………五二五

竹溪鬳齋十一藁續集

宋林希逸撰……………五五三
林式之編……………五五三

欽定四庫全書

集部

本堂集卷一至三

詳校官庶吉士_臣李傅熊

主事_臣呂雲棟覆勘

總校官進士_臣朱鈴

校對官主事_臣陳墉

謄錄監生_臣吳貽棟

欽定四庫全書

集部四

本堂集

別集類三宋

提要

臣等謹案本堂集九十四卷宋陳著撰著字子微號本堂鄞縣人寶祐四年進士官著作郎出知嘉興府忤賈似道改臨安通判是集凡詩三十四卷詞五卷雜文五十五卷據其原目尚有講義二卷此本有錄無書蓋傳寫

欽定四庫全書

本堂集
提要

佚之矣宋代著作獲存于今者自周必大樓鑰朱子陸游楊萬里外卷佚浩博無如斯集惟其詩多沿擊壤集派文亦頗標語錄之體不及周樓陸楊之淹雅又獎借二氏往往過當尤不及朱子之純粹然宋自元祐以後講學家已以說理之文自開門徑南渡後輒轉相沿遂別為一格不能竟廢且真德秀作文章正宗孰別最嚴胡寅作崇正辨攻駁尤力

而德秀西山集寅斐然集為二氏操觚者不

一而足亦未可獨為著咎披沙簡金時有可

采宋人舊帙固不妨存備一家也乾隆四十

六年九月恭校上

總纂官紀昀臣陸錫熊臣孫士毅

總校官陸費墀

欽定四庫全書

本堂集

欽定四庫全書

本堂集卷一

詩

壽馬裕齋觀文

名光字子華

山之高壽裕翁也翁之德與鍾山而俱高則翁之壽與鍾山俱久而作是詩也

天作高山大邦之屏外禦其侮王國庶定

欽定四庫全書

本堂集

維石巖巖維德之基天實為之是以似之人亦有言如山之壽萬有千歲保艾爾後

山之高三章章四句

江之永美裕翁也翁之德澤源深流長民之悅之而作是詩也

江之永矣其流湯湯暨我六師告成于王

春日載陽薄言采芑泳之游之民之洽矣

清且淪漪有美一人懷哉懷哉率土之濱

江之永三章章四句

東山裕翁之志也如翁之志其為謝傳之東山乎

我徂東山以遨以遊彼采葛兮謂我何求
鳳皇于飛出自幽谷載好其音集于灌木

東山二章章四句

有鶴念已也念已之不能從翁而樂也

有鶴在林懷之好音載飛載止食野之苓

倡予和汝爰得我所何斯違斯自貽伊阻

欽定四庫全書

本堂集
卷一

二

陟彼崔嵬豈不懷歸英英白雲跂予望之

有鶴三章章四句

五言絕句

西上罕嶺

此去向南西山高山復低不逢清話客已覺倦扶藜

絕句

寤晴雨淋瀝花空皆寂寞夢回人不見愁重酒消索

夏五朔旦示都兒學書

老去眼生花兒方學畫鴉聊將二十字要識汝傳家

長兒深生日集經語示之二首

惟友于兄弟惟順于父母無忝爾所生造端乎夫婦
君子之容舒吉人之辭寡有常則可矣欲自得之也

答妻姪趙良藩問學

藩兄欲學書來問學何如孝弟為根本文章特緒餘

元夕應人求題酒肆燈

燈花三五夜鼓笛十分春欲見太平事誰非沈醉人

欽定四庫全書

本堂集
卷一

三

續姪溥賞醪醕勸酒二首

花有重開日人無再少年相逢拚酩酊何必備芳鮮
醉時愁亦樂老去日如年慣見紅相別欣逢綠又鮮

題扇畫東坡

形神雪山松衣巾赤壁風望之凜凜然埽退炎塵紅

題扇畫東坡抱琴

謂是蘇長公如何抱絲桐不必窮是非聞名自生風

醉中出門得風

殘生有今日一醉得春風想見義皇上人人此樂同

次兒瀾以詩四首道各意因兩用其韻

待食信天公送窮戒星奴駕言一煮字安得三分厨

客

弦歌不救魯告諭難入已世事蛇赴壑吾生狗喪家

時

富貴碧筒醉龍襪火傘來何如溪山曲一笛吹寒梅

熱

欽定四庫全書

本堂集

四

逃不從幼安放非效元真願事堯舜主或與夔龍親

占

以上自道也

膏粱道之賊資財人所奴不如貧而樂客至菜一厨

客

角利靈與觸幻世慈若已當知靠裏業自有書滿家

時

俗氛炎鬱攸世灼毒惡來清當友孤竹艷當友仙梅

熱

風雷漢臣會天日唐主真而曹其勉旃或者一見親

古

以上示諸兒

良月念一日郡庠置酒爐亭勞余出山且取子美

何時一樽酒重與細論文分韻賦詩韻不以及

就成十絕

人生朝陽露物變水上波茫茫宇宙間如此道義何

欽定四庫全書

本堂集

五

蘭菊不競芳鴻燕各有時可以人不如大哉義曰隨

知心不用多流俗未易一相逢輒矛盾方信有膠漆

蒲葵裁成扇瘳木斷為樽自是山林物不入統綺門

書窓二尺繁爐亭一樽酒別去七十年此樂重回首

爾來魯津新快觀戴席重下春分尺光乃與此際逢

草木味自同尊酒歡相與舊夢忽似眇恍不知何所

四座同寮賢一和長官契樂極忘主賓論到賈粗細

鳶魚自飛躍烏兔空追奔中有古道在難與時情論

江湖寬相容風馬留更勤襄陽或可傳北山若為文

六言絕句

村景四首

南陌耕雲脈脈東風吹雨斜斜流水滿邨春事炊煙隔

岸人家

春

田舍灌苗岸水店家汲水施漿穉子清溪浴午老樵綠

樹休涼

夏

風生老樹飛葉雨過殘雲帶霞禾塲牛卧落日漁村鴉

欽定四庫全書

本堂集
卷一

起平沙

秋

雪霽山屏可畫風高雁字難書訪梅橋斷呼渡芟麥天

寒荷鋤

冬

與貝氏子

名斗
書中

柴門任風開閉茅屋盡日虛閒補湊粗茶淡飯報答流

水青山

題畫扇

松下披衣坐着飛瀑巖前洗脚畫向塵汙人看教知山

林天樂

題王之朝所惠扇

八十三歲衰翁執熱也要清風此涼來自何處來自羲
之手中

欽定四庫全書

本堂集
卷一

本堂集卷一

欽定四庫全書

本堂集卷二

宋 陳著 撰

七言絕句

新月

老天大巧亦兒嬉
磨出霜鏤僅一眉
掛向西園瘦梅樹
閒心渾怯損南枝

春雪

欽定四庫全書
夜來風雪借冬威
不足東君喜弄奇
也怕春濃花易過
故將寒力頓花期

春色十分

今日冠春春十分
畫圖深處着儂身
紛紛撲面狂蜂蝶
錯認閒人作主人

次韻孫古巖立齋

一聲喚起便成春
向日庭臺擬可人
本與東風舊相識
一回相見一回新

木犀

丹桂固應為密友
黃花自合讓高芳
夜來獨立西風底
吹入詩腸咳唾香

梅初破蘂

朔風驚曉雪花乾
盡力尋梅不道寒
萬事不如初見好
一枝全勝滿園看

次前韻二首

玉奴留下唾花乾
夜逐嫦娥入廣寒
不許世人輕着眼

欽定四庫全書

漫教對此細評看

竹溪詩筆幾曾乾
遺我新詩照眼寒
不用尋梅霜月底
祇將詩句作梅看

杜鵑二首

催歸亦是太饒唇
自不能歸底勸人行
止在人終莫勸
只應勸得合歸春

萬綠陰中拚死啼
如何日夜不能疲
料應飽作秋冬夢
恰好如今是醒時

次韻索司理送行三首

別友相逢情最好相逢還別苦為情看君騰踏飛黃去
記取清燈影裏盟

陰六陽三天者定重逢尊酒定何時但須別後頻相問
來往翔鴻各寄詩

瀟洒秋光山水窟木犀香底細評詩今朝攜手明朝別
此會一生能幾時

次韻月窓兄惜別四首

欽定四庫全書

本堂集
卷二

三

分付浮生一字休欲休不得是離愁如今祇怕歸無準
心在丹山最上頭

幾載詩盟兩見心自從別後可曾尋夜來夢見恩恩散

杜宇西窓月未沈

記得溪山兩袂分一溪流水落花春青驄馬上休回首

只見雲山不見人

為儂傳語竹窓兄逢着行人也寄聲聚散在天終有定

歲寒三友見交情

次韻吳竹溪

名俊民

謝單景山

名桓載酒

杯盤移醉冠春園酒散人歸月在門何日喜還供笑語
酌君村酒倚薺盆

燕餘寄月窓兄三首

燕餘名氏

葉葉征衫來自東相逢笑語竹窓中傍人抵死催人去
細雨吹涼一夜風

雨泣燈花夜一更醉中忘却語詩盟料應獨立南窓下
猛拍闌干萬斛情

欽定四庫全書

本堂集
卷二

四

昨夜還鄉已夕陽夕陽今日又他鄉回頭咄咄相思語
準擬東風好送將

次前韻酬王景雲見和三首

我家西谷子鄞東西望雲山百里中回首十年塵底別
更無書落雁天風

竹邊結屋飽幽清疎落尊前大字盟子到五山儂亦到

月邊雲嶠得論情

與子相逢別未長新詩寄我寂寥鄉嚼情咀義心如醉

背立西風不自將

謝單景山載酒同賞牡丹過燕餘

珍重提尊過小園更呼貴客到尊前教人燈下看顏色
知得浮生一夢然

次韻王文甫先生

名桂開

二首

赫赫光華奪景星斯文宗主在先生他年奏賦通明殿
已信君王不敢名

富貴誰能訊女星得師自分滿平生河汾他日書成後

欽定四庫全書

本堂集卷二

五

王魏中間亦有名

折梅送友人

一朵梅花直一詩詩須情似此花枝能詩人去花無主

圖得重來未落時

次韻舅氏竺九成

名鏞

合圍未解急燕聊借騎誰能使大途定遠好從鞭馬取

管城于我亦平交

次韻前人補試落歸曹娥待潮

謁祠江上且歸休有命何須企碧流好把一言寤明主
聲名當不減千秋

聞狀元是少年

聞說三魁是少年世間何必歎才難我生亦是奇男子
莫作時人一例看

次韻竹窓兄相招

酒徒元不是高陽君以詩招語亦香雖欲醉歸重九日
恐貽親怒愧王祥

欽定四庫全書

本堂集卷二

六

次韻劉生蝶葉交飛

荷衰菊老柳微黃蝶舞風林亦共狂閨苑無花留不住
飛來學做小春忙

寓建寧推廳送黃子俊

名漢傑號冷齋浦城人

一聆清話覺昏蒙尊酒何時可再同最是秋風特輕薄
易吹羈袂作西東

詩寄趙九新娶

名陶夫

風擺柳梢雲未乾癡雲妬日正嬌寒隈香公子新鴛侶

那肯興心客路難

次韻童尚質

落日孤煙水遠村
山家燈火已昏昏
幽人事業書窓底
自讀離騷半掩門

次韻前人新晴三首

流鶯恰恰報新晴
如醉春光暢踏青
金轎車前詩料足
不妨分付入騷情

泥香風軟燕忙時
宿酒微中起較遲
試捲珠簾問花事

欽定四庫全書

李堂集
卷二

七

畫鞦韆外裊晴絲

院靜宵深冷麝媒
怕逢花委細蒼苔
小桃却自紅如錦
笑倚東風醉入腮

次韻前人城北春行

醉遊不省路東西
可意花枝手自提
好景未知何處是
謾隨蜂蝶過芳畦

甬東晚望

日落潮生水氣昏
回頭天際月如痕
數聲寒落漁家笛

吹入薰葭何處村

橫橋觀菴

物理元隨世事新
靜觀知是泮宮人
穿花野薺雖微草
也占年年一分春

錦里觀桃

錦里風光分外香
桃花如市趁時新
關風車馬香塵裏
誰是朱門覓水人

夜坐書懷

欽定四庫全書

李堂集
卷二

八

竹窓燈火足相陪
惟怕梅花畫角催
我欲歌眠尋好處
照人隙月更徘徊

午景書懷

虛齋簷馬自丁東
却在鶯啼燕語中
整屐欲尋花信息
不知柳絮已隨風

詠不開牡丹

一種仙根自洛城
春深何事不花生
芳心未必全羞澁
猶恨東風用力輕

次韻童志道春晚名斗

隔窓啼鳥夢驚殘沈麝香銷冷博山
隻枕半歌閒猛省又添一日在人間

春午二首

春城那被酒纏綿燕婉鶯嬌近午天
花影滿簾庭院寂碧紗窓過淡如煙
著雨楊花困舞綿暖風揚作晚晴天
一場春事歸何處芳草斜陽淡淡煙

欽定四庫全書

本堂集
卷二

九

傷春

杜鵑非是翠芳殘底事年年叫出山
紙帳竹牀清到底不堪聲入夢魂間

次韻八姪三首名圭

春色三分一未歸雪肌風態露春微
東風且作枝頭主莫把工夫繡地衣
青妝青蓋送春歸似不經風體力微
收拾韻香歸酒盞惜花何惜醉淋衣

花開便是候催歸濟楚生香清復微
遙想折來深院宇似初勻粉小青衣

題嚴子陵釣臺二首

才得心安便是通乘龍非貴釣非窮
那知碌碌攀鱗者盡在先生不釣中
方信先生大有功光皇祇是暫時雄
東都二百年名節全在桐江一釣風

小雪偶成

欽定四庫全書

本堂集
卷二

十

小宴珊瑚月未明滿堂歡笑雜蛙聲
明朝此會知誰續試把燈花仔細評

次韻仇生五首

一春風雨笑談疎明日南風夏又初
忽枉翠裾詩在手勝如書尺寄雙魚
學晚唐詩俗見疎君家句法到黃初
淡交頗辱聯翩贈熊掌方嘗又得魚
交不緣詩有密疎詩能宣寫此心初
但從禮義中游戲

便是趨庭孔伯魚

詩筒狎至補前疎快似西風捲峽初一片襟懷誰似友

曾從仙李跨鯨魚

羨君詩思九河疎混混泉源只一初我欲驅馳無本領
激溝澮水狎蛙魚

次韻陳師幹喜雨二首

何事猶屯水與雷夜看雲漢歎昭回五龍一日齊行雨

且莫嫌他欠早來

欽定四庫全書

本堂集
卷二

十一

一雨何關百里雷天心端為衆心回閒時試向龍君覓
未必滂沱應手來

次韻李景異

剡溪千古雪坡風收拾寒清入瓮中此味世人那得吮
特將撿撥老詩翁

次韻石瑤林師幹見賀

名正
倫

溪頭風浪起虛傳寬大遭逢臺閣賢見說襄城鞭衛士

清朝曾恕范忠宣

解剡孝嘉道中答溪民羣來遮轎問新知縣二首

并寄李宰

名興
宗

水淺山深土半沙刀耕火種做生涯今年水旱那堪說
存得妻兒能幾家

新知縣是舊官員說與田家汝有緣安穩過冬耘二麥

明年纔勝似今年

聞剡人望回

跋涉山程往又還老懷不是愛遊山為聞父老勤相送

欽定四庫全書

本堂集
卷二

十二

立滿溪頭幾日間

泌生日二首

為學須知次第功四書為本要精通不須妄起功名想
立得身時祿在中

芻藜併日不充饑玉女于成在此時道義于人堪雋永
膏粱從古養愚癡

醉中

樂遊原上少年春安樂窩中快活身古到如今能幾輩

吁嗟天也不由人

欽定四庫全書

本堂集
卷二

十一

本堂集卷二

欽定四庫全書

本堂集卷三

宋 陳著 撰

七言絕句

與弟姪觀小圃梅花二首

看花須看未開時到七分開看已遲前輩詠梅多此意
水邊竹外兩三枝

是則看花要及時看花到實不妨遲前賢亦有留佳句

欽定四庫全書

本堂集
卷二

綠葉成陰子滿枝

次韻上乘寺主僧如岳 松澗 詠菊

萬紫千紅各眩名紛紛兒女哄春榮屈園秋種無人顧

獨遇陶潛氣始平

次韻梅山送牡丹二首 名蒨字楚秀號梅山

姚根魏撥兩京貴蜀本點枝南度春今日東風為誰好

花香不到獨醒人

毒霧腥塵浣色香無知蜂蝶自乾忙醉時須惱不須醉

三斗誰能向汝陽

又次韻二首

猶記年時花不醉老懷今已不成春
深黃淺紫如何在
留得殘鶯啼向人

賦詩誰復待沈香
湏洞乾坤走險忙
寂寂春光傷感處
瘦來不是沈東陽

三次前韻二首

東風吹送世間塵
斜日消凝洛下春
誰料烏啼成怪事

欽定四庫全書

本堂集
卷三

二

旁觀自有預知人

花本傷時不肯香
酒無賒處亦空忙
便逢花酒如何醉
回首淒煙鎖景陽

題丹霞洞

丹山高處坐龍宮
山下人歸潤澤中
征馬一塵飛不到
危時方見有神功

謝戴時芳惠物

名方

蟻綠浮香雪外春
錦翰飛動玉枝新
山人已約餐松栢

此餽應知是獲麟

贈醫者趙月堂

乾坤慘淡真愁絕
民物傷殘活欲難
說相說醫當及此
區區哀病不須看

天地中間浩浩歌
從他烏兔健飛過
旁人若問功名事
笑指南柯蟻一窠

春夏交承紅與綠
歲寒三友松與竹
我是蟾宮老桂枝
獨愛上天風霜足

欽定四庫全書

本堂集
卷三

三

天街迢迢邊塵亂
更點聽殘鐘鼓院
歸舟便覺昔年非
高枕已忘前日倦

粟瓶酒榼近多空
書友詩朋亦間逢
只有漁樵是知己
也嫌老似雪中松

蕭蕭四壁住殘生
不學神仙不學僧
有酒未能忘北海
種瓜且自學東陵

自分書生他未暇
物外人來偶清話
老聃主見一字虛
莊叟寓言專是化